



ANG

Bayan

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo


Edisyong Hiligaynon
Espesyal nga Isyu
Nobyembre 20, 2010
www.philippinerevolution.net

40 tuig sang *Lipunan at Rebolusyong Pilipino*

Interbyu sang Ang Bayan kay Kaupod Jose Maria Sison (Amado Guerrero)

May 40 tuig na ang nakalipas halin sang una nga ginpagwa sang Palimbagang Sentral sang Partido Komunista sang Pilipinas (PKP) ang *Lipunan at Rebolusyong Pilipino (LRP)*. Sining nagligad nga 40 tuig, ang *LRP* ang nangin pangunahon nga reperensya kag ubay sang PKP nga nagapresentar sang sandigan nga mga prinsipyo sang duha ka halitang nga rebolusyon sa Pilipinas base sa pag-analisa sang kongkreto nga

kundisyon sang malakolonyal kag malapyudal nga sistema. Bilang pagdumdom sa anibersaryo sang *LRP* kag liwat nga pagpalig-on sa mga prinsipyo nga ginpresentar sini, gindesisyunan sang *Ang Bayan* nga interbyuhon si Kaupod Jose Maria Sison nga amo ang pangunahon nga awtor sang *LRP* bilang si Amado Guerrero, Tagapundar nga Pangulo sang PKP.




1 Mahimo mo bala nga ipaambit sa aton nga mga bumalasa ang pila ka talalupangdon nga hitabo sa kasaysayan kaangut sang *LRP*? Kasan-o ini gin-umpisahan nga sulaton? Sanday sin-o ang may mga kahalabtan sa pagpanalawsaw kag pag-sulat? Kasan-o ini una nga naggwa kag sa ano nga porma? Sa pagkahibalo mo, pila ka beses na ini nga ginbalhag?

Jose Maria Sison (JMS): Ginsulat ko ini sadtong panahon bag-o pa lang ginalunsar ang inaway banwa kag sang bisperas sang First Quarter Storm sang 1970. Gin-umpisahan ko ini nga sulaton kag gintapos ko sadtong ikatlo nga kwarto sang 1969. Pila ka kaupod sa KT/KS pareho kanday Charlie del Rosario kag Monico Atienza ang nagdala sa akon sang mga ginpangayo ko nga reperensya. Sang masulat ko na ang borador sadtong Agosto 1969 ginpabasa ko ini kay Julie de

Lima kag iban pa nga indibidwal kag sa mga katapo sang Komite Sentral para sa ila nga mga suhestyon kag komento.

Naggwa ang *LRP* nga nakamimyograp (una nga edisyon) sadtong Oktubre 1969 kag napa-sa ang kopya para ipagwa kag i-serye sa *Philippine Collegian* nga may tig-ulo nga *Philippine Crisis and Revolution* (mahimo nga kabigon ini nga ikaduha nga edisyon). Sang 1970, ginpublisar sang Pulang Tala Publications ang ikatlo nga edisyon kag sang Ta Kung Pao sang Hongkong ang ikaapat nga edisyon. Ang ikalima kag ikaanom nga edisyon sa Ingles kag Pilipino nga mimyograp sang CPP Central Publishing House sang PKP sadtong 1971. Sadtong 1977 ginpublisar sang Katipunan ng Demokrati-kong Pilipino ang ikapito nga edisyon sa US. Pwede ini nga kabigon nga ikaapat nga edisyon kon indi pagkabigon ang mga edisyon nga mimyograp.



May naggwa pa nga mga edisyon pagkatapos ako nga madakpan sadtong 1977. Iupod pa ang mga ginsalhin sa Aleman kag Turko kag ang komiks nga edisyon.

2 Ang *LRP* ang isa sa pinakaimportante nga Marxista-Leninista nga teoritikal nga sinulatan nga ginbun-ag sang rebolusyonaryong kahublagan sa Pilipinas. Ano ang mga teoretiko nga hangkat sa pagsulat sini? Ano sa imo opinyon ang mga yabi nga kontribusyon sang *LRP* sa teorya sang pagrebolusyon sa Pilipinas? May ara bala ini nga makabig nga kontribusyon sa teorya nga signipikante lampas sa praktika sang rebolusyong Pilipino?

JMS: Pinakadaku nga teoritikal nga hangkat ang pangangut sang Marxismo-Leninismo-Kaisipang Mao Zedong sa kasaysayan kag sirkumstansya sang Pilipinas. Kinahanglan ang kongkreto nga paganalisa sa mga kongkretong kahimtangan. Ang mga yabi nga kontribusyon sang *LRP* amo ang pagpresentar sang malakolonyal kag malapyudal nga kinaiya sang katilingban nga Pilipino kag ang nagasanto

nga linya sang rebolusyon nga pungsodnon kag demokratiko sa idalom sang pagpamuno sang sahi nga mamumugon.

Kaangut sini, ginpresentar sang *LRP* kon ano ang mga sahi nga mag-abyan (mamumugon, mangunguma, petiburgesya sa syudad kag pungsodnon nga burgesyas) kag mga sahi nga kawaway (daku nga kumprador kag asendero) sa bag-o nga demokratikong rebolusyon. Ginplastar man ang mga pangunahon nga katungdanan: ang pungsodnon nga paghilway kag demokratiko nga rebolusyon. Amo man, ginplastar sang *LRP* ang mga halintang sang rebolusyon nga Pilipino: bag-o nga demokrasya sang pungsod kag sosyalismo.

3 Antes maggwa ang *LRP*, nauna na nga napagwa ang *Struggle for National Democracy (SND)* kag ang dokumento nga "*Rectify Errors, Rebuild the Party*" (*RERP*), lakip sa mga nauna nga mayor nga teoritikong sinulatan sang pungsodnon-demokratikong kahublagan sa Pilipinas. Mahimo mo bala tuytuyon ang kasaysayan sang pag-uswag sang teorya sang rebolusyon nga



Espesyal nga Isyu Nobyembre 20, 2010

Ang *Ang Bayan* ginabantala sa lenggwahe nga Pilipino, Bisaya, Iloko, Hiligaynon, Waray kag Ingles.

Mahimo ini i-download halin sa *Philippine Revolution Web Central* nga makit-an sa:

www.philippinerevolution.net

Nagabaton ang *Ang Bayan* sang mga kontribusyon sa porma sang mga artikulo kag balita. Ginabuyok man ang mga bumalasa nga magpaabot sang mga saway kag rekomendasyon sa ikauswag sang aton pahayagan.

Malab-ot kami paagi sa e-mail sa: angbayan@yahoo.com

Ang *Ang Bayan* ginabantala duha ka beses kada bulan sang Komite Sentral sang Partido Komunista sang Pilipinas

Pilipino tubtob sa paggwa sang LRP sadtong 1970?

JMS: Kinahanglan kag importante ang nauna nga paggwa sang *SND* kag ang dokumento nga *RERP*. Ginhawanan sang *SND* ang dalan para ibuyagyag ang mga sandigan nga problema sang pungsod kag mga posible nga rebolusyonaryong kalubaran sa lenggwahe nga ligal kag mapangganyat. Nagasanto ini sa tradisyon sang daan nga demokratikong rebolusyon sang 1896 kag sa bag-o nga demokratikong rebolusyon sa pagpamuno sang sahing mamumugon. Nakabase ini sa nagaluntad nga kahimtangan kag kinahanglanon sang pumuluyong Pilipino, ilabi na ang mga anakbalhas.

Desaysibo ang *RERP* sa paganalisa sa inagihan sang daan nga Partido sang gintingub nga Partido Komunista kag Sosyalista. Nabuyagyag ang mga kasaypanan kag kahinaan nga nagbunga sang kapaslawan sang rebolusyon. Sa sini naplastar kon ano ang mga dapat himuon para tumanon ang mga rekisito sa ideolohiya, pulitika kag organisasyon, para magtukod liwat sang rebolusyonaryong Partido sang proletaryado, hangaway sang banwa kag nagahiliugyong prente kag para liwat pagsublakon kag isulong ang rebolusyon tubtob sa kadalag-an.

4 *Ano ang pinakadaku nga kontribusyon sang LRP sa*

dalagan sang rebolusyon sa Pilipinas sining nagligad nga 40 ka tuig? Ano ang nangin papel sang LRP sa nagkalainlain nga halintang sang pag-uswag sang rebolusyong Pilipino?

JMS: Labi nga ginpalig-on sang *LRP* ang pangkabilugang linya nga nauna nga ginpresentar sang Konstitusyon sang Partido kag Programa para sa Demokratiko nga Rebolusyon sang Banwa. Halin sa una nga tuig sang inaway banwa tubtob subong, daku kag yabi ang nangin papel sang *LRP* sa paghatag kasanag sa kasaysayan, mga basehan nga problema kag rebolusyonaryong solusyon sang pumuluyong Pilipino.

Sa kada halintang sang rebolusyon, amo sini ka importante ang papel sang *LRP*. Labi nga naghatag sang kasanag ang *LRP* sa bulig sang mga bag-o nga sinulatan nga nakabase sa pagsulong sang rebolusyon kag paglala sang krisis sang garuk nga sistema. Nangin epektibo nga kasangkapan sang Parti-

do ang *LRP* para pataason ang kamuklatan kag diwa nga mapang-away sang mga katapo sang Partido kag mga aktibistang masa.


5 *Sa ikaapat nga edisyon sang LRP, ginlakip ang "Mga Partikular na Katangian ng Digmang Bayan" kag "Mahigpit Nating Tungkulin," nga nagtum-ok sa teoritiko nga importansya sang mga dokumento nga ini. Ano sa opinyon mo ang iban pa nga mga teoritikong sinulatan sang PKP nga makabig nga may kapareho nga importansya sa halambalanon sa pagpauswag sang teorya sang rebolusyon sa Pilipinas?*

JMS: Sa ikaapat nga edisyon (kon indi ilakip ang tatlo nga edisyong mimyograp), matuod nga nahatagan tum-ok ang teoritiko nga importansya sang duha ka dokumento nga ginlakip kag ini naman labi nga nagpalig-on sa *LRP*.

Ang masunod nga dokumento nga kapareho kabug-at ang importansya sa pagpauswag sang teorya sang rebolusyon sa

Pilipinas amo ang

Hinggil sa Moda ng Produksyon ng Pilipinas (1983), *Ang Krisis at Rebolusyong Pilipino* (1986), *Manindigan sa Sosyalismo Laban sa Modernong Rebisyunismo* (1992) kag *Muling Pagtibayin ang mga Saligang Prinsipyo at Iwasto ang mga Pagkakamali* (1992), ang sandigan nga doku-




mento sang Ikaduha nga Dungganon nga Kahublangan Panadlong kag mga sandigan nga dokumento batuk sa polisiya sang neoliberal nga globalisasyon kag iban pa nga opensiba sang imperyalismo.

6 Masobra na 40 tuig ang nakalipas halin sang una nga mabalhag ang LRP. Paano mo ikumparar ang katilingban nga Pilipino subong sa kahimtangan sini sadto? Sa imo nga opinyon, nagapabilin pa bala nga epektibo nga ubay ang LRP sa rebolusyong Pilipino? May nakita ka bala nga kinahanglanon para sa panibag-o nga edisyon, pagbag-o o suplemento sa LRP?

JMS: Labi nga nagalala kag nagadalom ang kagarukan kag krisis sang nagapabilin nga malakolonyal kag malapyudal nga kahimtangan. Sa sini, nagapabilin ang epektibidad sang LRP bilang ubay sa pungsodnon kag demokratiko nga rebolusyong Pilipino. Kag padayon man ang Partido sa pagpagwa sang mga bag-o nga edisyon sang LRP kag paglakip diri sang mga bag-o nga kaangut nga dokumento. Bisan pa man, naten-tar ako nga maghimo sang edisyon nga ang ginpawig sa teksto nagasakop sining nagligad nga apat na ka dekada.

7 Paano labi pa nga mapuslan ang LRP sa subong nga halintang sang rebolusyon, ilabi na sa balayon sang panawagan sang PKP nga abuton ang estratehikong pagkapatas sa sulod sang lima ka tuig? Ano sa opinyon mo ang mga yabi nga halambalanon nga kinahang-



lan tun-an sang mga rebolusyonaryong Pilipino para sa hugot pa nga pagpapagsik sang nagkalainlain nga patag sang paghimakas?

JMS: Pirme nga rebyuhon ang LRP kag iangut sa subong nga sirkumstansya kag nagakalatabo. Sa ubay sang Marxismo-Leninismo-Kaisipang Mao Zedong (Maoismo), mapaathag sang LRP kon ngaa kinahanglan ang inaway banwa kag paano ini magasulong sa ila halintang: halin sa estratehikong depensiba pakadto sa estratehikong pagkapatas tubtob estratehikong opensiba. Ginplastar man sang LRP nga dapat agumon ang mga pangpulitika nga rekisito para masulong ang inaway banwa halin sa isa ka halintang pakadto sa masunod nga halintang.

Dapat pabaskugon ang Partido sa ideolohiya, pulitika kag organisasyon. Dapat pabaskugon ang hangaway sang banwa paagi sa armadong paghimakas, rebolusyong agraryo kag patukod sang baseng masa kag mga organo sang gahum pangpulitika. Kinahanglan ang polisiya sang nagahiliugyong prente nga nagasakop sa pila ka tipo sang alyansa: basehang alyansa sang sahi nga mamumugon kag mangunguma, ang progresibo nga alyansa sang mga anakbalhas kag petiburgesya sa syudad, ang makibanwahanon nga alyansa sang mga progresibong sahi kag pungsodnon nga burgesya kag ang temporaryo kag di malig-on nga alyansa sa mga reaksyunaryo nga nagabato sa kaaway.

AB